

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacacione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

536. An Pensionarius teneatur probare possessionem, & jus illius, qui
primò consensit pensioni.

[urn:nbn:de:hbz:466:1-74494](#)

senit, vel sit successor primi consentientis in beneficio ante solutionem, qui condemnari non potest ad solutionem pensionis, quousque pensionarius conditiones requiras in reservatione probet. Et sic, dum pensio est reservata sub conditione, pensionarius illam tenetur justificare, etiam si agat contra eum, qui pensioni consentit, non solum in petitorio, in quo id procedit, etiam si in possessione exigendi, sed quod consensus ille intelligatur praesitus sub eadem conditione, & recipit eandem conditionem, sub qua pensio est reservata. *Garc. loc. cit. n. 464.* citans *Gig. de pens. q. 85. n. 10.* & *Rot. in Salman. pens. Anno 1593.* Plura de his & accuratis infra, ubi qualiter literæ sint exhibenda ante actionem pensionis.

3. Porro quod dictum, teneri pensionarium in petitorio verificare conditionem & narrata in reservatione, etiam si in quasi possessione exigendi, id limitandum primò hoc modo: nisi per longissimum tempus, puta per annos triginta fuerit in tali possessione; quia ex observantia & clausu longissimi temporis presumitur gratia, & ejus narrativa justificata. *Garc. loc. cit. n. 478.* citans pro hoc aliquot Rota decis. quamvis *ad n. 481.* hoc ipsum procedere dicat, dum constat de titulo & reservatione pensionis, agiturque solum de justificatione illius; sed quod si de his non conset (cum beneficia presumuntur non gravata pensione, sed libera) ne quidem ex quadragenaria possessione presumatur titulus & reservatio, saltem in petitorio; in possessorio namque probabile videtur, presumi titulus ex possessione longi temporis, nempe decennali, dum non est contra possidentem vehementer presumptio, ut id ipsum, nempe necesse esse, ostendere titulum, etiam in iudicio possessorio, ubi pensionarius non sicut in possessione per longum tempus, docent *Gig. q. 47. n. 4.* *Azor p. 2. l. 8. c. 13.* *q. 2.* apud *Castrop. loc. cit.* qui & ipse absolutè subiungit; prouinde, si pensionarius agat in iudicio possessorio, sive petitorio, quomodounque procedat, tametsi sit in possessione exigendi, debet ostendere titulum & reservationem pensionis.

4. Limitandum id ipsum secundò, ut tradit *Garc. n. 491.* citato *Salust. Tiberio in praet. Auditoris Camer. l. 3. c. 3. n. 22.* Puteo Achill. &c. ut opus non sit per pensionarium justificari gratiam & reservationem, ubi pensio reservata motu proprio, sed quod narrativa facti alieni, in qua fundatur Papa, probat, si emanavit motu proprio, etiam si adiutori verbum illud *ut accepimus*, quia illud non Papæ, sed partis narrationem importat in gratia ad supplicationem signata; secus ac verbum illud, *ut intelleximus*, quod non refertur ad partem; item ac verbum illud, *ut assertur*, quod tanquam generale & personale non censetur probatum per impenetrantem, ac ideo, quod per illud narratur, non est verificandum per partem, prout hæc tradit *Garc. n. 495.* De cetero licet stetit narrativa facta motu proprio in reservatione pensionis, posse tamen probari contrarium, & eo probato corrumpere gratiam, tradit *ibid. Garc. n. 502.* sed quod licet clausula motus proprii tollat subreptionem, dum tamen exprimitur falsa causa, seu qualitas falsa de facto alieno, nihil profit, probato contrario, saltem, si talis est gratia, ut difficultius concederetur, quia dicta clausula non operatur ultra mentem concessionis, & intelligitur, veris existentibus expressis. *Garc. n. 503.* citatis quamplurimis. Vnde de hoc punto necessitatibus ostendidi literas reservationis

pensionis pluribus infra, ubi qualiter exhibenda in ordine ad obtiendam solutionem & executionem.

Questio 536. An pensionarius teneatur probare possessionem & jus illius, qui primò consentit pensioni?

R. Espondeo: Teneri ad hoc pensionarium ad instantiam successoris, nisi esset successor eius in jure illius, tradit *Garc. p. 1. c. 5. n. 511.* sed quod pensio peti non possit ab eo, qui non esset vel successor juris, vel possessionis consentientis, ut *Garc. ibid. n. 512.* Et poterit successor illius consentientis docere de non bono jure illius consentientis, qui proinde frustra consentit pensioni. *Garc. n. 513.* dicens, hinc verum non esse, quod tradit *Gonz. gl. 5. §. 9. n. 59.* cuius doctrinam nos secuti sumus suprà, ubi quod collatione nullâ, adhuc subfistat pensio reservata tertio alicui. Quod si vacante beneficio per obitum, Papa illud conferat Petro, reservata super illo pensione Joanni, & dicta illa collatio facta Petro sit nulla ex aliquo vitio obreptionis seu ob incapacitatem Petri, & hinc tertius impetrer illud beneficium vacans ut prius per obitum, quamvis in gratia huic tertio facta non sit reservata aliqua pensio, teneri nihilominus hunc tertium solvere pensionem, quia prima concessio continebat duas gratias, nempe collationis facta Petro, & pensionis reservata Joanni, quarum una deficiente, nempe gratia collationis, non deficit altera pensionis. Verum non video, quomodo hac doctrina *Gonz.* repugner *Garciz.* dum *Gonzalez* non loquitur de pensione reservata ex consensu alicuius habentis jus in illo beneficio gravato (in quo casu nimurum, si Papa prius conferret illud beneficium vacans per obitum Petro, & de consensu hujus collatarii reservare super illo pensionem Joanni, ad summum procederet, quod vult *Garcias.* nimurum collatione tali existente nullâ, & consequenter etiam consensu nullo, & nihil operante, pensionem illam tertio reservatam fore nullam) sed de pensione imposita beneficio vacante. De cetero ad confirmandam responsum suum ait *Garc. n. 514.* etiam resignatarium, non obstante consensu, acceptatione & approbatione juris (intellige resignantis) ac pensionis, posse adhuc dicere de nullitate pensionis, si vult probare non jus & falsitatem causæ, prout resolutum ait, in *Valentin. pens. 17. Jun. 1583.* quam decisionem ad fufum recitat. Quod autem tradit *Rebuffus de pacif. poss. n. 156.* alias 127. semel imposita pensione, non posse allegari, resignantem nunquam habuisse jus, id inquam, ait *Garc. n. 515.* procedere in iudicio executionis, de qua *ibidem* loquitur *Rebuffus.*

Questio 537. An, & qualiter pensionarius obligatus sit recitare officium canonicum, quod recitare obligantur beneficiarii, aut saltem officium B. Virginis?

R. Espondeo ad primum: Clerici pensionarii quæ tales non tenentur recitare officium massus seu Canonicum, *Azor p. 2. l. 8. c. 12. q. 2.* *Barjuris Eccles. l. 3. c. 11. n. 11.* *Ventrigl. to. 2a annet. II. §. 2. n. 86.* *Garc. p. 1. c. 5. n. 65.* citans quamplurimos contra *Gamb. de pot. Leg. l. 6. n. 326.* & *Guertero apud eundem Garc. n. 66.*

2. Re-